

musuatomahlə umahlíkua

acancancihli cucu’u marumuku takumacu, ucaniika acancancihli  
cucu’u taruatəahlə takulaicu.

macu ma siangusipana hliulavalava ia hlamacahliacu “ uka’a  
hliuməngəngu watu’a aunini maru mavacangu hlingua’ ɯ tənəmɯ! ”  
kuhlaisai piaiaialiaku ihlaku takacicihli, tumuakia mutuasamahlə  
umahlíkua takuliacu! marua cucu’u kutarakakua ihlau,  
kupitaku atəhləngu ihlau, kani’i ucani sasaruana rianu matavilai ihlau hla  
asapu ihlau, kukia takuliacu tuku, kukia tangi, ta’iaraisaka kupatuhluhlu  
ihlau.

kukia parapihli takuliacuna apaəngəngu, ihlaila sala’a uamia cucu’u.  
apulavau hlipasamangu, marapihli marupangəhləvu sitakuamia,  
umaru arumuka takacicihli tapau, paratumuhlu tapau, kuhlaisai, tumuaita  
mavacangu umahlíkua takulaicu, angahli hlipasasapua pahluaile, aunana  
ia iniciki tuahlə arəhlusuhlu. “ hlipasatakuliacua ihlaila takuamacua  
sitakuamia.” kari kani’ina rianua cucu’u macahlia, tumuaita mairahlu  
takuamia takulaicuna, hliarupakariacu ia uakikiri sitakuavacanga  
matingahlangahla, hla tumua takuangahlangahla sipacəcupənga, tumua

mualualu pakituru sitakuamiakia, kutuahlə umahlíkua takuliacu malitənəhlə.

umaruamiakia hlipasamangu hlitakacihlina, tumuakia maruamia  
hlipaisukahla tukukiana, marapihli siaravacangu matata, pasamanganukia!  
macu maratakuliacu ia, atəhləngukia, ausikia ihlaku, tumuakia mutuasmahlə  
umahlíkua takuliacu!

微笑面對

每個人都渴望成功，然而每個人都會遭遇挫折。我告訴自己要堅強，微笑著面對挫折！失敗不是人生的絆腳石，而是人生的里程碑。

曾經付出的努力，為我們展開新的一頁，用自己喜歡的顏色，把它變得繽紛。要好好的面對失敗，從失敗中檢討，這樣才會進步。

「失敗是成功之母」，我們應該承擔失敗之果，應對之檢討以求改善之法。並且要有積極的人生觀念，更應該堅持自己的原則，而不應輕易的向困境屈服！當你失敗時，微笑著面對挫折！